

माता नै जो बचन दियो,
बो तोड़ न पावैगो,
कोन्या माने कालजो,
के तू नई आवैगो ॥

देवरै का पट बन्द होग्या,
मोरछड़ी लहराई थी,
श्याम बहादुर जी ताळै पै,
इक फटकार लगाई थी,
मंगळाराम जी की भगति को,
मोल चूकावैगो,
कोन्या मानै काल्जो,
कै तूं नई आवैगो ॥

आलूसिंह जी पै कृपा करी,
दुनिया देखी सकळाई जी,
भगत को मान न घटण दियो थे,
आकै बात निभाई जी,
काशी बुलावै लीलै चढ तूं,
दौड़ लगावैगो,
कोन्या मानै काल्जो,
कै तूं नई आवैगो ॥

रोती बिळखती बामणी नै,

आकै तूंई हंसायो जी,
धाड़्यां को संघार करयो,
बामण नै आय जिवायो जी,
कवै भागीरथ बाबो धरम,
ध्वजा लहरावैगो,
कोन्या मानै काळ्जो,
कै तूं नई आवैगो ॥

गिरधारया नै गोद खिलायो,
माखण-मिसरी खुवाई थी,
सोहनलाल लुहाकार मगन हो,
थांरी महिमा गाई थी,
भगत बुलावै श्याम तनै तूं,
रुक नई पावैगो,
कोन्या मानै काळ्जो,
कै तूं नई आवैगो ॥

श्याम बहादुर शिव का लाडला,
अब तो दरस दिखा ज्यावो,
हिवड़े माईं बसी आकृती,
नैणां आगै आ ज्यावो,
भोळै भगतां की है दुहाई,
कद तक टरकावैगो,
कोन्या मानै काळ्जो,
कै तूं नई आवैगो ॥

माता नै जो बचन दियो,
बो तोड़ न पावैगो,

कोन्या माने कालजो,
के तू नई आवैगो ॥

Singer & Compser Ravi Sharma Sooraj
Upload Vivek Agarwal Ji

Source: <https://www.bharattemples.com/konya-maane-kaljo-ke-tu-nahi-aavego/>



Bharat Temples

Complete Bhajans Collections - Download Free Android App

https://play.google.com/store/apps/details?id=com.numetive_bhajans

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>